

stallis, S. R. C. 31 Martii 1703, in una Pomponii Stabiae.

764. Sacerdotes non debent deferre manutergium super calicem tam eundo, quam redeundo ab altari, S. R. C. 1 Sept. 1703, in Pisaurum.

765. Festum duplex ante octavam non privilegiatam occurrens, alio majori festo duplici impeditum, est transferendum ad diem infra octavam proximo festo duplici vel semiduplici non impeditam, S. R. C. 22 Sept. 1703, in Viennam in Austria.

766. An confraternitates laicorum legitime erectae in ecclesiis parochialibus, habeant dependentiam a parochio in explendis functionibus ecclesiasticis, non parochialibus? Et responsum fuit, Affirmative, S. R. C. 10 Decemb. 1703, Urbis et Orbis, Clemente XI 12 Jan. 1704 confirmante constit. quae incipit: An debitum. Vide num. seqq.

767. An confraternitates laicorum erectae in capellis, vel oratoriis, tum publicis, tum privatis, adnexis parochialibus ecclesiis, ab eis dependentibus, habeant dictam dependentiam a parochio quoad dictas functiones? Et responsum fuit, Affirmative, S. R. C. 10 Decemb. 1703, Urbis et Orbis, Clemente XI approbante ut supra.

768. An confraternitates erectae in aliis ecclesiis publicis, habeant quoad easdem functiones aliquam dependentiam a parochio, intra cujus parochiae limites sita sunt ecclesiae? Et responsum fuit, Negative, S. R. C. 10 Decemb. 1703, Urbis et Orbis, ut supra.

769. An confraternitates erectae in oratoriis tam publicis, quam privatis, sejunctis ab ecclesiis parochialibus quoad dictas functiones ecclesiasticas habeant dictam dependentiam a parochio? Et responsum fuit, Negative, S. R. C. 10 Decemb. 1703, Urbis et Orbis.

770. An benedictiones et distributiones candelarum, cinerum, et palmarum, sint de juribus mere parochialibus? Et responsum fuit, Negative, S. R. C. 10 Decemb. 1703, Urbis et Orbis. Vide num. 66 et 772.

771. An benedictiones mulierum post partum, fontis baptismalis, ignis, seminis, ovorum et similia, sint de juribus mere parochialibus? Et responsum fuit, Negative; sed benedictiones mulierum, et fontis baptismalis fieri debere a parochis, S. R. C. 10 Dec. 1703, Urbis et Orbis.

772. An functiones omnes hebdomadae sanctae sint de juribus mere parochialibus? Et responsum fuit, Negative, prout jacet, S. R. C. 10 Decemb. 1703, Urbis et Orbis.

773. An celebratio Missae sollemnis feria quinta in Cena Domini, sit de dictis juribus parochialibus? Et responsum fuit, Negative, prout jacet, S. R. C. 10 Decemb. 1703, Urbis et Orbis.

774. An prima pulsatio campanarum in Sabbato sancto sit de juribus parochialibus? Et responsum fuit, Negative, prout jacet, sed spectare ad ecclesiam digniorem ad formam constit. Leonis X, § 14, S. R. C. 10 Dec. 1703, Urbis et Orbis. Ad formam constitutionis Leonis X: videlicet: Tam regulares, quam alii clerici saeculares, etiam super hoc Apostolicae Sedis privilegio muniti, die Sabbati majoris hebdomadae, antequam campana cathedralis, vel matricis ecclesiae pulsaverit, campanam in ecclesiis suis pulsare minime possint, et contrafacientes penam centum ducatorum incurrant, Const. XXI quae incipit: Dum intra mentis, § 14, cujus initium: Et ut debitum, Romae edita die 16 Decembris 1516.

775. An celebratio Missarum sollemnium per annum, sive pro vivis, sive pro defunctis, sit de dictis juribus parochialibus? Et responsum fuit, Negative, prout jacet, sed licere confratribus in sollemnioribus ejusdem ecclesiae vel oratorii, ut in Brun-

usina, sub die 1 Junii 1601, S. R. C. 40 Decemb. 1703, Urbis et Orbis.

776. An expositio quadraginta Horarum, et benedictio, quae fit super populum, sit de dictis juribus parochialibus? Et responsum fuit, Negative, S. R. C. 10 Decemb. 1703, Urbis et Orbis.

777. An expositio, quae fit cum reliquiis, vel sacris imaginibus, et benedictio, quae cum eis fit super populum, sit de dictis juribus parochialibus? Et responsum fuit, Negative; et quoad benedictiones cum reliquiis et imaginibus serventur decreta S. R. C. 10 Decembris 1703, Urbis et Orbis. Vide num. 713.

778. An functiones in praedictis octo dubiis, videlicet a dubio quinto ad duodecimum expressae, peragi possint in oratoriis privatis, contradicente parochio? Et responsum fuit, satis provisum in superioribus, sac. Rit. congreg. 10 Decemb. 1703, Urbis et Orbis.

779. An in oratoriis privatis confraternitatum per confratres statim horis recitari possint horae canonicae cum cantu, vel sine, absque alia licentia parochi? Et responsum fuit, Affirmative, nisi aliter ordinarius statuatur ex rationabili causa, S. R. C. 10 Decemb. 1703, Urbis et Orbis. Vide num. seq.

780. An in oratoriis privatis sit licita celebratio Missae privatae, assentiente ordinario loci, et contradicente parochio? Et responsum fuit, Affirmative, S. R. C. 10 Decemb. 1703, Urbis et Orbis. Celebratio Missae, exceptis diebus in bulla Benedicti Papae XIV expressis. Vide num. ant. et 619.

781. An capellani confraternitatum possint populo denuntiare festivitatem, et vigiliis occurrentes in hebdomada absque licentia parochi? Et responsum fuit, Affirmative, S. R. C. 10 Decemb. 1703, Urbis et Orbis. Vide num. 231.

782. An parochus invitatis confratribus docere possit doctrinam Christianam in praedictis ecclesiis, oratoriis publicis, vel privatis a parochia divisis, et separatis? Et responsum fuit, Negative, S. R. C. 10 Decemb. 1703, Urbis et Orbis: Docere doctrinam Christianam: removeri autem exercitium catechismi, et docendi pueros in ecclesiis confraternitatis non posse, statutum sac. congreg. Conc. Trident. 29 Aug. 1722, in una civitatis Mantuae. Et an rector confraternitatis teneatur permittere, ut parochus doceat in oratorio doctrinam Christianam, vel possit hoc impedire? Responsum fuit, Arbitrio ordinarii, S. cong. Conc. Trident. 29 Aug. 1733, in una dioecesis Asoli, ex regestis ejusdem sac. Congregationis sub enuntiato tempore signatis.

783. An in saepe dictis ecclesiis publicis confraternitatum possint haberi publicae conciones etiam per totum cursum Quadragesimae, vel Adventus cum licentia ordinarii, et absque licentia parochi? Et responsum fuit, Affirmative, S. R. C. 10 Dec. 1703, Urbis et Orbis.

784. An in eisdem ecclesiis possit celebrari Missa sive lecta, sive cantata ante Missam parochialem, sive lectam, sive cantatam? Et responsum fuit, Negative, nisi aliter episcopus disponat, S. R. C. 10 Decemb. 1703, Urbis et Orbis. Vide n. 234.

785. An ad parochum spectet Officium tenebre super cadaveribus sepeliendis in saepe dictis ecclesiis, et oratoriis publicis confraternitatum? Et responsum fuit, Affirmative, quando tumulandus est subditus parochio, intra cujus fines est ecclesia, vel oratorium, sac. Rit. congreg. 10 Decemb. 1703, Urbis et Orbis.

786. An intra ambitum earundem ecclesiarum fieri possint processiones juxta cujusque confraternitatis institutum, absque interventu vel licentia parochi? Et responsum fuit, Affirmative, S. R. C. 10 Decembris 1703, Urbis et Orbis. Vide num. seq. et 50.

787. An eadem processiones fieri possint extra ambitum dictarum ecclesiarum absque licentia illo-

rum parochorum, per quorum territorium transendum est? Et responsum fuit: Negative, nisi adsit licentia episcopi, S. R. C. 10 Decemb. 1703, Urbis et Orbis. Vide num. antec.

788. An in dictis processibus capellani confraternitatum possint deferre stolam? Et responsum fuit, Negative extra propriam ecclesiam, S. R. C. 10 Decemb. 1703, Urbis et Orbis.

789. An episcopo accedente ad ecclesias publicas confraternitatum, quae non sint Regularium, neque proprium rectorem beneficiatum habent, porrigendum sit aspersorium a parochio, in cujus territorio sint sita dictae ecclesiae? Et responsum fuit, Negative, S. R. C. 10 Decemb. 1703, Urbis et Orbis. An porrigendum sit aspersorium a parochio, Negative: sed a primo de capitulo cathedralis. Vide num. 71.

790. An earundem ecclesiarum, et confraternitatum rectores, et capellanos possit parochus, cessante alio speciali, ac legitimo titulo, et e solo jure parochialitatis compellere invitos ad assistendum functionibus ecclesiae parochialis? Et responsum fuit, Negative, S. R. C. 10 Decembris 1703, Urbis et Orbis.

791. An in saepe dictis ecclesiis confraternitatum neque parochialibus, neque Regularibus retineri possit sanctiss. Eucharistiae sacramentum sine speciali indulto Sedis Apostolicae? Et responsum fuit: Negative, sac. Rit. congreg. 10 Decemb. 1703, Urbis et Orbis.

792. Praesupposita facultate retinendi, an possit intra annum publice exponi sine licentia Ordinarii? Et responsum fuit: Negative, S. R. C. 10 Decemb. 1703, Urbis et Orbis: Per annum. Excipit octavam Corporis Christi. Vide num. 51.

793. An possit parochus se ingerere in administratione oblationum, vel elemosynarum in saepe dictis ecclesiis recollectarum, vel capsulae pro illis recipiendis expositae clavem retinere? Et responsum fuit: Negative, S. R. C. 10 Decemb. 1703, Urbis et Orbis.

794. An in ecclesia parochiali confratres, vel eorum capellani immiscere se valeant, invito parochio, in ejusdem ecclesiae functionibus, sive parochialibus, sive non parochialibus? Et responsum fuit: Negative, S. R. C. 10 Decemb. 1703, Urbis et Orbis.

795. An confraternitates sive sint erectae in ecclesia parochiali, sive extra illam, possint pro libito, et juxta uniuscujusque peculiariter statuta congregationes suas facere, absque interventu, vel licentia parochi? Et responsum fuit: Affirmative, dummodo non impediant functiones, et divina Officia, S. R. C. 10 Decemb. 1703, Urbis et Orbis.

796. An possint propria bona administrare, atque de illis disponere absque ulla dependentia a parochio? Et responsum fuit: Affirmative, S. R. C. 10 Decemb. 1703, Urbis et Orbis.

797. Quando parochus eisdem congregationibus intersit de mandato Ordinarii, et tanquam ejus delegatus, an possit suffragium decisivum ferre, et quatenus affirmative? Et responsum fuit: Negative, S. R. C. 10 Decemb. 1703, Urbis et Orbis.

798. An etiam suffragium duplex, die 10 Decembris 1703, prout infra respondit. Et responsum fuit: Negative, sac. Rit. congreg. 10 Decemb. 1703, Urbis et Orbis; Clem. IX annuente supra omnia dicta dubia die 13 Januar. 1704, constit. incip. Ad debitum.

799. Prima dignitas praecise tenetur supplere partes episcopi impediti in celebrandis Missis sollemnibus et peragendis aliis sollemnibus functionibus ad ipsum episcopum spectantibus, S. R. C. 29 Januar. 1704, in Cremonen.: Prima dignitas; eaque impedita, aliae successive. Vide num. 760. Idem

declaratum fuerat 11 Febr. 1702, ad exclusionem vicarii generalis, et canonici helodomarii, ac impedita prima dignitate, pertinere ad secundam.

800. Quando plures adsunt cathedrales unitae, Officium Dedicationis cujuslibet Ecclesiae cathedralis non debet recitari ab universo clero dioecesis unitarum, sed in qualibet respective dioecesi debet recitari de sua propria respective Ecclesia cathedrali, S. R. C. 8 Martii 1704, in Viurbien.

801. An impedito diacono, munus auferendi mitram, et gremiale celebranti in capella pontificia, et alia ejusdem diaconi munera, spectent ad subdiaconum, vel potius ad caeremoniarum magistrum, etc., sac. Congreg. respondit Dilata, et ad eminent. ponentem ad mentem, et mens fuit, quod eminentiss. ponens curaret, ut magistri caeremoniarum abstinere in futurum ab imponendo et auferendo mitram, et gremiale in casu, etc., nisi impeditis diacono, et subdiacono, S. R. C. 26 April. 1704, et iterum denegata nova audientia praefectis caeremoniarum, servari hoc decretum statuit eadem S. R. C. 6 Jun. 1704, in Romana. Reperitur in Bullario Romano Clem. XI decreto IV, quod incipit Romana. Cum inter Subdiaconum, tom. VIII, Bull. Rom. Luxemburgi 1727, pag. 434.

802. In occurrentia festi Calendarii particularis, et festi Calendarii universalis cum paritate ritus, et sine excellentia majoris dignitatis, faciendum est Officium de primo, translato secundo, S. R. C. 12 Jul. 1704, in una Urbis et Orbis dubiorum: Cum paritate ritus; quid vero dicendum de Officio, quod celebratur cum magna festivitate, consule n. 514, 614, 970, 1017 et 1045.

803. Cruces altarum, seu processionum non sunt benedicendae de praepo; potest tamen simplex sacerdos eas benedicere privatim, et non solemniter, S. R. C. 12 Jul. 1704, in una Urbis, Clem. XI confirm. in suo Bullario part. III, decr. 5, et reperitur in Bullar. R. tom. VII, Luxemburgi 1727, pag. 433. Incipit Decretum Urbis: Fratre Josepho.

804. Licet proponere Spinam Domini nostri Jesu Christi ab immemorabili, praesertim in Parasceve, capite scilicet aperto sub baldachino processionally propositam, S. R. C. 12 Jul. 1704, in una Urbis et Orbis: Sub baldachino; imo etiam cum velo humerali, et incenso. Vide n. 255.

805. In ecclesia, ubi quotidie non cantatur Missa, si occurrat festum Patroni, seu Titularis diebus, quibus non potest de eo fieri Officium, potest nihilominus (diebus non exceptis a R. M. t. VI De translatione) cantari Missa de Patrono, seu Titulari, licet non cantetur altera Missa concordans cum officio, sac. R. cong. 23 Aug. 1704, in una Ordinis eremit. S. Augustini. Diebus non exceptis Rubrica: qui sunt Dominica prima Adventus, et Quadragesimae, feria 4 Cinerum, Dominica Palmarum cum tota hebdomada majori, Resurrectionis, et Pentecostes cum duobus diebus sequentibus, die Nativit. Domini, Epiphaniae, Ascensionis, et Corporis Christi. Miss. Rubr. de Trans. Fest. tit. 6, num. 1.

806. Religiosi celebrantes ex quacunque causa in aliena Ecclesia, ubi non agitur Officium duplex, et fiant exsequia pro aliquo defuncto, vel anniversaria, seu simile Officium pro defunctis, etiam si ipsi religiosi recitaverint Officium sancti duplici, possunt se conformare cum Ecclesia, in qua celebrant, S. R. C. 23 August. 1704, in una Erem. Camald. Vide n. 753.

807. Non sunt omittendae in suffragiis communibus commemorationes SS. Salvatoris, nec S. Crucis in eorum ecclesiis titularibus, S. R. C. 25 Aug. 1704, in una Erem. Camald.

808. Quando in Dominicis Septuagesimae, Sexagesimae, et Quinquagesimae occurrit festum Purificationis B. M. V. in ecclesiis eidem sub alio titulo dicatis, scilicet Annuntiationis, etc., Missa sollemnis

post benedictionem candelarum, et processionem debet cantari de Dominica, *sac. Rit. congreg. 23 August. et 13 Septemb. 1704, in Catanien.*: De Dominica; ad quam non accenduntur candelæ ad Evangelium, et elevationem usque ad summionem peractam, ut fit in Missa Purificationis. *Cærem. episc. lib. II, cap. 16, num. 19. Vide num. 815 et 1052.*

809. Parochi, capellani confraternitatum, sacerdotes, alique ecclesiastici, qui cotta induti interveniunt processionibus funeralibus, deferant, sicut in aliis processionibus, birretum sacerdotale, non vero pileum, excepto tempore pluvie et noctis, prout disponit Rituale Romanum tit. de Processionibus, et ut sæpe resolvit *sac. Rit. congregat.*; quæ quidem pilei prohibitio non solum est pro ecclesiastico seculari, sed etiam regulari, licet sint parochi cotta induti. Hæc decreta *sac. Rit. confirmantur a Clemente XI, 9 Decembr. 1704, in sua constit. quæ incipit: La santità di Nostro Signore. Vide num. 8.*

810. Si festum S. Marci occurrat in die Paschatis, Processio cum litanis transfertur in feriam tertiam sequentem juxta Rubricam particularem Missalis; et si alicubi sit abstinencia, vel jejunatur, servanda est consuetudo a Regularibus, *S. R. C. 14 Febr. 1705, in una Capuccin. Gallie*: Transfertur in feriam tertiam, una cum Missa Rogationum sine Gloria, et sine Credo. Vide n. 701.

811. Dignior e clero, a quo celebrans in diebus Purificationis, Cinerum et Palmarum recipit candelam, cineres, et palmam, debet accedere ad altare sine stola, et genuflexus, sicut alii, recipere candelam, cineres, et palmam a celebrante, et osculari manum celebrantis porrigentis candelam, et palmam, *S. R. C. 14 Febr. 1705, in una Capuccin. Gallie*: Dignior e clero: intellige cum non sit cathedralis canonicus, aut collegiata, si pro isto adesset consuetudo. Vide n. 96 et 454.

812. Non est toleranda consuetudo quorundam, qui contra id, quod præscribitur in Missali, exponunt hostiam consecratam reservandam a feria v in Cæna Domini usque ad ipsius consumptionem in feria vi in Parasceve, *sacra Rituum congr. 14 Febr. 1705, in una Capuccin. Gallie*: Quod præscribitur in Missali, id est, reponendus est calix in capsula clausa, et clavi tuta. *Rub. Miss. de ser. Cæna Domini.*

813. Antiphona B. M. V. in fine Officii debet omitti in choro, quando immediate sequitur Missa, quæ in ecclesiis non cathedralibus, et non collegiatis, sed in minoribus etiam Regularium, licet non cantetur a choro, sed coram clero legatur tantum a celebrante, habenda est tanquam conventualis; et in festis secundæ classis debet omitti commemoratio S. simplicis eadem die occurrentis, ut præscribitur in rubrica Missalis tit. 6, n. 1 *S. R. C. 14 Febr. 1705, in una Capuccin. Gallie*: Ut præscribitur in rubrica Missalis, etc., nempe *de simplici non fit commemoratio in Missa solemnibus, sed in Missis tantum privatis, quando de eo in Officio facta fuit commemoratio solummodo ad Laudes. Rub. Miss. tit. 7, n. 1.*

814. An, cum ex decreto *sac. Rit. congregat.* emanato 11 Januar. 1681, dicenda sit Antiphona beatissimæ Virginis, *Ave, Regina cælorum*, cum *ÿ Dignare me*, etc. in fine Completorii secundæ diei Februarii, licet transferatur Officium Purificationis, dici debeat in Suffragiis (quando sit de Officio semiduplici, etc.). *Vers. Ora pro nobis, sancta Dei Genitrix, cum oratione Concede nos famulos, etc.*, et in Missa secunda oratio *A cunctis*, tertia ad libitum? et *sac. Rit. congregat.* affirmative respondit *14 Febr. 1705, in una Ord. Capucc. Gallie*. *Vers. Ora pro nobis, etc.* (cum oratione submissa voce a celebrante dicenda). *Cærem. episc. lib. II, cap. 3, n. 15.*

815. An in diocesis, in quibus in Dominicis Septuagesimæ, Sexagesimæ, vel Quinquagesimæ

fit Officium Purificationis B. M. V. illis Dominicis occurrentis, debeant, vel possint PP. Capuccini iis diebus recitare idem Officium cum sola commemoratione, et nona lectione Dominicæ in gratiam populorum ad suas ecclesias accedentium? Et responsum fuit, Negative, *S. R. C. 14 Febr. 1705, in una Capucc. Gallie*: Negative; Affirmative vero, ubi Purificationis festum est titulare primæ classis. *Rub. Brev. IV, de Dominicis n. 1. Vide num., 521 et 808.*

816. An translato Officio Annuntiationis B. Mariæ, de quo potest fieri die 5 Aprilis omisso Officio ad libitum S. Vincentii Ferrerii, hæc die occurrentis, satius sit celebrare Officium Annuntiationis vel hæc die, vel sequenti, ut non omittatur Officium S. Vincentii? Et si hoc ultimum satius judicetur, an in diocesis, in quibus celebratur 5 die Aprilis Officium translato Annuntiationis B. Mariæ cum feriatione diei, in qua transfertur, satius sit PP. Capuccinos illud celebrare hæc die, omisso Officio ad libitum S. Vincentii Ferrerii in gratiam populorum, qui ad suas ecclesias accedunt auditori Missam, et Officium de mysterio Annuntiationis: et inde etiam an translato Officio Annuntiationis juxta Romanas rubricas in 4 diem Aprilis, debeant tamen, vel possint illud differre in sequentem diem 5 Aprilis, in diocesis, in quibus tunc transfertur in hæc diem ob festum S. Ambrosii, quod celebratur 4 Aprilis propria ipsius obitus die? Et responsum fuit, quod quando transfertur solum Officium, et non solemnitas, tunc potest fieri de Sancto ad libitum occurrente, *sac. Rit. congr. 14 Febr. 1705, in una Capucc. Gallie*. Vide tamen posteriora decreta hodie observanda sub n. 1254.

817. An sub nomine Patroni loci, de quo, juxta bullam Gregorii XIII, Regulares tenentur Officium sub ritu duplici primæ classis, veniat etiam Patronus parochiæ, in qua commorantur? *S. R. C. respondit Negative 14 Febr. 1705, in una Capuccin. Gallie*: Juxta bullam, die 30 Decembris 1575, quæ incipit: *Pastoralis Officii.*

818. Quando dies anniversaria Consecrationis episcopi incidit in Dominicam primæ classis, infra hebdomadam majorem, in die Paschæ, Pentecostes, Nativitatis Domini, vel alio solemniori, non potest dici Missa de dicta consecratione; sed in ipsa Missa de die fieri debet collecta pro episcopo sub conclusione, ut disponit *Cærem. episcoporum, S. R. C. 4 Aprilis 1705, in Lycien.* Dies Anniversaria consecrationis: pariter et dies anniversaria electionis *Cærem. episc. lib. II, cap. 33, n. 1.* Ut disponit *Cærem. episcoporum, videlicet: Si dies consecrationis venerit in die aliquo festivo, celebrabitur solemniter de festo cum paramentis festo convenientibus, et cum Commemoratione pro episcopo. Si vero venerit in die feriato, celebrabitur, prout in Missali, cum paramentis albis, et una tantum Collecta pro episcopo, videlicet Deus, omnium fidelum Pastor, etc. Cærem. episc. lib. II, c. 15, n. 1. seq. Vide n. 866 et 1117.*

819. In feria vi post Octavam Ascensionis, si occurrit festum novem lectionum, facienda est in Missa commemoratio illius diei, nisi festum fuerit ex solemnioribus juxta rubricas, *S. R. C. 4 Aprilis 1705, in Lycien.*: Festum novem lectionum. Intellige etiam semiduplicia translata. Vide num. 634.

820. In Missa votiva SS. Sacramenti tertia oratio dicenda est ea, quæ secundo loco erit dicenda ratione temporis occurrentis, non vero ea, quæ est assignata secundo loco infra Octavam ejusdem SS. Sacramenti, *S. R. C. 4 Apr. 1705, in Lycien.*: Ratione temporis occurrentis; nempe secunda oratio in hæc Missa votiva (ita et in aliis) quæ regulariter erit de festo semiduplici occurrenti, vel simplici, loquendo de privatis; in solemnibus enim non est facienda commemoratio festi; tertia, quæ secunda

loco ratione temporis occurrentis dicenda erit, nisi occurrerit simplex. Ordo vero harum orationum erit sequens: Ab Octava Pentecostes usque ad Adventum, et a Purificatione (nempe usque ad diem secundam Februarii, licet festum Purificationis ultra hæc diem protrahatur) usque ad Quadragesimam, oratio erit *A cunctis*; ab Octava Epiphaniæ usque ad Purificationem, ut supra, *Deus qui salutis*; a feria IV Cinerum usque ad Dominicam Passionis, de feria currenti; a Dominicam Passionis usque ad Dominicam Palmarem, de feria; ab Octava Paschæ usque ad Ascensionem, *Concede nos famulos tuos.* Infra aliquas Octavas, et in Vigiliis, in quibus jejunatur, de S. Maria, sed infra Octavas beatae Mariæ, et in Vigilia, et infra Octavam Omnium Sanctorum oratio dicitur de Spiritu sancto, *Deus, qui corda fidelium.* *Rub. Miss. tit. 9, de Orationibus. Vide n. seq. et 521.*

821. Ex parte magistri cæremoniarum ecclesiæ cathedralis Lyciensis quaesitum fuit, an, si festum Purificationis B. M. V. est transferendum, vel ratione Octavæ diutius perseveret, eo usque perseverare debeat antiphona *Alma Redemptoris Mater*; an vero in hoc casu die 2 Februarii ad Completorium dicenda sit antiphona *Ave, Regina cælorum*? Et responsum fuit: Quod servetur decretum S. C. emanatum sub die 11 Januar. 1681, ita *S. R. C. 4 Apr. 1705, in Lycien. Vide n. 521.*

822. An Officium Expectationis partus B. M. V. concessum sit omnibus regnis Hispano monarchiæ subiectis, an solum aliquibus? Responsum fuit: Indultum Gregorii XIII esse tantum pro sola Hispania, *S. R. C. 4 Aprilis 1705, in Lycien.* Officium Expectationis: hodie extenditur etiam ad totum dominium reipublicæ Venetæ, et alibi, *ex decreto de die 23 Sept. 1695.*

823. Officia sanctorum ad libitum, sive duplicia, sive semiduplicia, occurrentia in die, quo fieri debet Officium de Dominicâ anticipanda ante Septuagesimam, vel ante Dominicam 24 post Pentecostem, non sunt recitanda cum commemoratione dicte Dominicæ, neque transferenda, sed potius omittenda, *sac. Rit. congreg. 4 Aprilis 1705, in Lycien.* Officium de Dominicâ anticipanda: scilicet Quando Septuagesima venerit in prima Dominicâ post Octavam Epiphaniæ, tunc in primo Sabbato post octavam, non impedito festo novem lectionum, alioquin prima die post Octavam, fiat Officium de feria, in qua ponuntur responsoria primi nocturni Dominicæ secundæ post Epiphaniam, et tres lectiones leguntur de homilia ejusdem Dominicæ, cum ejus antiphona ad Benedictus, et oratione. Festum vero semiduplex in ea occurrens transfertur in primam diem similiter non impeditam. *Rubrica Brev. post Dominicam Epiph.* Pro Dominicis vero post Pentecostem, quæ ad summum viginti octo, et ad minus viginti tres possunt esse, ut compleatur numerus trigenarius, servandus erit sequens ordo. Si Dominicæ post Pentecostem fuerint xxv, Dominicæ xxiv post Pentecostem erit quæ est vi post Epiph. Si fuerint xxvi, Dominici xxiv erit quæ est v et xxv, quæ est vi. Si fuerint xxvii, Dominica xxiv erit quæ est iv, et xxv quæ est v, et xxvi erit vi. Si fuerint xxviii, Dominica xxiv erit iii, et xxv erit iv, et xxvi erit v, et xxvii erit vi, et ultimo loco semper ponitur quæ est in ordine xxiv post Pentecostem, etiamsi post Pentecostem aliquando non sint nisi xxii Dominicæ. Tunc enim xxiv ponitur loco xxiii, et Officium xxiii ponitur in precedenti Sabbato, quod non sit impeditum festo novem lectionum; alioquin in alia precedenti die non impedita, in qua fiat Officium de feria cum commemoratione festi duplicis, si occurrat, et in ea leguntur tres lectiones de homilia Dominicæ, omissis lectionibus Scripturæ illius ferie, et in Laudibus dicatur antiph. ad Benedictus, et oratio de Dominica xxiii. Quod si tota hebdomada impedita sit festis ix lectionum, etiam translatis, vel aliqua Octava, tunc in Sabbato

legatur nona lectio homiliæ Dominicæ xxiii, et de ea fiat commemoratio in Laudibus tantum, cum antiph. et orat. prop., *Rubric. Brev. de Dom. num. 4.* Cum vero interdum contingat, ut Dominica iii, vel iv, vel v, vel vi, post Epiphaniam supersit, nec possit poni etiam post xxiii a Pentecoste, tunc de ea fit Officium in Sabbato ante Dominicam Septuagesimæ. *Rubrica Brev. de Domin. n. 5. Vide num. 610.*

824. Infra Octavam SS. Corporis Christi, occurrente festo novem lectionum, non debet omitti nona lectio. *S. R. C. 4 Apr. 1705, in Lycien. Vide n. 471 et 634.*

825. In processionibus et funeralibus debetur præcedentia parochis supra mansionarios, etiam ecclesiæ cathedralis, incedentes sine canonicis, et capitulo: mansionariis autem ecclesiæ collegiatae incedentibus absque capitulo non est licitum deferre pelles super brachio in processionibus funeralibus. *S. R. C. 12 Sept. 1705, in Aretina.*

826. Si accedat ad regularium ecclesias episcopus titularis suffraganeus ad celebrandum pontificaliter, non debent regulares ei baldachinum erigere, quod nec in ecclesiis suis, nec in exemptis diocesis, nec extra diocesis illi competit, quamvis accedat de licentia Ordinarii. *S. R. C. 6 Mar. 1706, in Hildesimen. Vide n. 52.*

827-851. Dignitatibus et canonicis ecclesiæ cathedralis conventus distinctio, tam quoad qualitatem paramentorum, quam quoad locum se parandi pro Missis privatis respectu altaris tantum, aliorumque sacerdotum eidem ecclesiæ addictorum. *S. R. C. 20 Mart. 1706, in Recineten. Præminentiarum. Vide num. 4.*

852. Si festum S. Marci evangelistæ occurrat in feriam secundam post Dominicam Resurrectionis, et similiter festum SS. apostolorum Philippi et Jacobi in Dominicam in Albis, ac præterea juxta rubricas utrumque sit transferendum, prius transferri et reponi debet Officium S. Marci. *Rit. cong. 17 Jul. 1706, in una Urbis et Orbis, Clem. XI, annuente in decreto VIII, quod incipit: Cum anno 1707. Vide t. VIII, edit. Luxemburgi 1727, p. 454. Vide num. 464.*

853. Quamvis PP. Capuccini conventus Leodien. ex consuetudine plusquam centum annorum soleant facere Officium duplex majus de S. Servatio episcopo 15 Maii, quia est patronus principalis parochiæ, in qua morantur, et est festum devotionis in populo, nihilominus declaratum et decisum fuit non licere prædictis PP. Capuccinis continuare recitationem dicti Officii, nec in alium diem transferre, quando ab alio majori festo contigit esse impeditum. *S. R. C. 28 Aug. 1706, in una PP. Capucc. provinciæ Leodien.*

854. Declaratum fuit, non licere PP. Capuccinis, nec aliis cujusvis ordinis regularibus, qui non utuntur Breviario PP. Minorum Observantium, in usum deducere rubricam in dicto Brev. anni 1656, num. 15, his verbis expressam: *Quando autem plura Officia de præcepto eodem die in aliquibus locis ita fixe occurrant, ut translatio alicujus, seu aliquorum sit perpetua, tunc prima dies proxima non impedita assignanda censeatur in perpetuum pro die propria festi translati respectue.* Si quidem concessio facta utentibus Breviario Minorum non extenditur ad non utentes, *sac. Rit. congregat. 28 August. 1706, in una Capucc. provinciæ Leodien.* Non extenditur ad non utentes: hodie hæc constitutio est universalis, ita ut, etiam inconsulta sacra congregatione, dies proxime non impedita censeatur propria. Vide num. 1091 et 1196.

855. Occurrente Vigilia Nativitatis S. Joannis Baptistæ in die festo SS. Corporis Christi, anticipato jejunio Vigiliæ prædictæ in diem 22 Jun. ad formam constitutionis Urbani VIII emanatæ 15 Octobris 1638, an debeat in Officio diei 22 prædictæ ejusdem

Evangelii nona lectio recitari, et in Officio, et in Missa de eadem fieri commemoratio? Eadem *sac. Rit. congr.* censuit, nihil de eadem Vigilia in Officio, et Missa peragendum esse. *S. R. C. 18 Sept. 1706, approbante Clem. XI, 2 Octob. ejusdem anni.* Ad formam constitutionis Urbani VIII: quæ incipit: *Cum anno proximo venturo.* Vide num. 279.

856. Infra Octavam Nativitatis Domini prohibentur Missæ votivæ privatæ, et pro defunctis. In Missis vero votivis solemnibus pro re gravi infra eandem Octavam celebrandis, dicenda est Præfatio juxta rubricam generalem tit. 12, num. 4, *sac. Rit. congr. 25 Septemb. 1706, et 25 Septemb. 1714, approbante Clemente XI, in suo Bull. part. II, const. 20, et in Bull. Rom. tom. VIII, decreto 20, quod incipit: Cum occasione Missalis, § Item prohibitum est, edit. Luxemburgi 1727, pag. 457: Infra octavam Nativitatis; et alias quæcumque privilegiatas.* Vide num. 1105. Dicenda est Præfatio juxta rubricas: videlicet, *Ut dicatur etiam Præfatio propria in Missis votivis, si habeant, alioquin de tempore Nativitatis, ut in hoc casu, vel alia Præfatio, ut in aliis. Rubr. Miss. gen. tit. 12, num. 4.* Vide num. 75.

857. Feria tertia Rogationum non dicitur secunda oratio Dominicæ. *S. R. C. 25 Sept. 1706, in una Urbis et Orbis.* Non dicitur secunda oratio Dominicæ, sed *Concede nos, etc.; tertia Ecclesiæ, vel pro Papa. Rub. Miss. prop.*

858. Occurrente Dedicatione basilicæ sanctissimi Salvatoris, vel SS. Petri et Pauli apostolorum infra Octavam Dedicationis aliarum ecclesiarum, pro earum Octava debet sumi alia oratio de communi, nempe *Deus, qui invisibiliter, sac. Rit. congr. 25 Sept. 1706, in una Urbis et Orbis.* Deus, qui invisibiliter: quæ oratio non tantum in citatis casibus, sed in omnibus similibus, et in die ipsamet Consecrationis dicitur. *Rubr. Miss. et Brev. de Comm. Ded. Eccl.*

859. Ecclesia cathedralis Ferentina cum fuisset pluribus in locis restaurata, et magna in parte renovata, et de illius consecratione signa nullibi apparerent, neque aliæ probationes existerent, adhuc quia in præteritum festum Dedicationis fuerat celebratum, censuit *sac. Rit. congr. non indigere nova consecratione, et statuit Dedicationis festum posse transferri ab episcopo ad aliam diem fixam amplius non immutandam. S. R. C. 27 Nov. 1706, in Ferentina.* Vide num. 259.

840. Quotiescunque occurrerit apud Franciscanos dies Octava S. Rosæ Viterbiensis in Dominica infra Octavam Nativitatis B. M. V. fiat Officium de die Octavæ, protracto ulterius festo sanctissimi Nominis ejusdem B. M. V., *S. R. C. 22 Jan. 1707, in una Ord. Min. Obser.* Hoc decretum est generale. Vide num. 611.

841. An liceat PP. Capuccinis civitatis Neocastri retinere, processionaliter publice deferre, et respective publice exponere in propria, et in alienis ecclesiis statuam S. Antonii de Padua in habitu capuccino? Et an eisdem PP. Capuccinis in publicis functionibus ecclesiasticis tam intra propriam ecclesiam, quam extra, et in processibus tam publicis, quam privatis, liceat uti vexillis, velis, palleolis, planetis, pluvialibus, vel similibus mobilibus, ubi sint depictæ, sculptæ et impressæ imagines ejusdem sancti Antonii cum habitu capuccino? Et an eisdem PP. Capuccinis subtus imagines ejusdem S. Antonii, vel S. Francisci de Assisio depictas, sculptas, vel impressas cum eorum habitu et caputio, tam intra ecclesiam et conventum, quam extra, et signanter in parietibus, et frontispiciis eorum ecclesiæ sint permittendæ inscriptiones indicantes illas esse effigies sancti Antonii de Padua, S. Francisci de Assisio cum viore forma habitus ipsius S. Francisci, vel potius sint delendæ, aut cancellandæ, ac in futurum prohibendæ in casu? Responsum fuit ad primum et

secundum, affirmative. Ad tertium quoad primam partem, negative; et quoad secundam, affirmative: et ita decrevit, et servari mandavit *S. R. C. in una Neocastrensi.*

842. Super altare, in quo SS. Sacramentum expositum est, crux de more collocari debet cum imagine Crucifixi apposita, *S. R. C. 14 Maii 1707, in una Senarum.* Crux de more collocari debet: hoc decretum, quod præcipue intelligitur tempore sacrificii, ad eas tantum pertinet ecclesias, in quibus Missæ, in altari ubi SS. Sacramentum expositum est, dici consueverunt. Vide tamen sub n. 1105 statuta a Bened. XIV.

843. In secundis Vesperis de SS. Angelis Custodibus fieri debet tantummodo commemoratio, non vero a capitulo, de Translatione S. Claræ apud Franciscanos, *S. R. C. 14 Maii 1707, in Bononien.* Hoc decretum est universale. Vide num. 951.

844. In ecclesiis dedicatis sub titulo S. Mariæ Angelorum, Officium de hocce titulari celebrandum est die Assumptionis B. M. V. cum Octava ejusdem, *S. R. C. 14 Maii 1707, in una Parisien.* In die Assumptionis: Fratres Minores S. Francisci, et Capuccini diem secundam Augusti pro hoc Officio rite habent electam. Vide num. 625 et 1255.

845. Canonicus sacerdos præcedere debet canonicum diaconum, seu subdiaconum anteriorem habentem possessionem, tam in stallis, quam in aliis omnibus functionibus intra et extra ecclesiam: et canonicus diaconus, vel subdiaconus anteriorem habens possessionem, promotus postea ad sacerdotium, præcedere debet canonicum sacerdotem ordine sacerdotali anteriorem, *S. R. C. 27 August. 1707, in Satrin.* Præcedere debet: intelligitur, ubi præbendæ non sunt distinctæ. Vide num. 54.

846. Episcopus palmas benedicens, et Missæ assistens, non debet legere epistolam, neque evangelium, *Cum appropinquasset, vel Altera autem die, post Passionem tam ex praxi capellæ Pontificiæ, quam ex præscripto Cæremonialis episcoporum, S. R. C. 28 April. 1708, in Bracaren.* Ex præscripto Cæremonialis episcoporum: videlicet *Cantatis epistola et evangelio, prout in Missali, ab iis ministris, qui in Missa ministraturi sunt: et iis omnibus, quæ cantantur, ab episcopo in sua cathedra sedente, et lectis, etc., Cærem. episc. lib. II, cap. 21, num. 4.*

847. Dum episcopus distribuit candelas, cineres et palmas, etc., celebrans et ministri debent sedere capitibus cooperitis, *S. R. C. 28 April. 1708, in Bracaren.* Distribuit candelas, cineres, etc.; hæc sessio quoad celebrantem et ministros in feria quarta Cinerum solummodo habet locum, *Cærem. episc. lib. II, cap. 18.*

848. Episcopus assistens Missæ in Dominica Palmarum paratus, vel cum cappa, non debet sedere, neque genuflectere, sed stare discooperitus, dum cantatur Passio, et in casu impotentæ debet abstinere ab interventu saltem Missæ, *S. R. C. 28 April. 1708, in Bracaren.* Dominica Palmarum: Adde et in aliis feriis Passionem admittentibus, *Cærem. episc. lib. II, cap. 26, num. 5.*

849. Canonici et assistentes episcopo parati, et illum ad altare comitantes in pontificalibus, ratione paramentorum possunt procedere per ecclesiam cooperitis, non vero nudis capitibus, *S. R. C. 28 April. 1708, in Bracaren.*

850. Non potest Missa votiva de Spiritu sancto vel alia celebrari eum ab episcopo pro eligenda abbatisa in festo duplici, vel Dominica, *S. R. C. 28 April. 1708, in Bracaren.* Vide num. 565.

851. In Vigilia Epiphaniæ non licet celebrare Missas privatas pro defunctis. Et quando per annum fit apud privilegiatos Officium de Immacolata Conceptione, vel sub alio titulo, vel de Sancta Maria in Sabbato, vel de SS. Sacramento, si dicatur aliqua Missa votiva, non habens Præfationem propriam,

Præfatio debet esse de communi, vel de tempore, si tunc specialis dicatur, non vero ea, quæ est conformis Officio: et servetur rubrica generalis tit. 12, *S. R. C. 16 Jun. 1708, in Parisien.* In Vigilia Epiphaniæ: Vide num. 669 et 955. Servetur rubrica generalis tit. 12, id est: *In Missis votivis dicitur etiam Præfatio propria, si propriam habeant: si vero non habuerint, dicitur Præfatio de tempore, vel octava, infra quam contigerit hujusmodi Missas celebrare: alioquin Præfatio communis. Rub. Miss. cit. num. 4.* Vide num. 591.

852. Episcopus celebrans Missam de Natali Domini in pontificalibus, vel assistens cum pluviali, vel cappa, quæ eo die ob maximam solemnitatem nunquam conveniret; ex quo sedens legit evangelium non debet genuflectere ad *Verbum caro factum est*, sed solum quando diaconus illud cantat, *S. R. C. 28 Septemb. 1708, in Bracaren.*

853. In die S. Laurentii titularis alicujus ecclesiæ cathedralis, vel matricis nullius diocæsis, non est recitandum Symbolum apostolorum in aliis ecclesiis ejusdem loci, sed tantum in ecclesia propria, *S. R. C. 23 Martii 1709, in Perusin.* In ecclesia propria: seu ubi aliqua reliquia insignis asservatur. Vide n. 585 seq.

854. Celebratio Missæ solemnis in diebus Nativitatis Domini, Paschatis Resurrectionis, Pentecostes, et in die festo SS. Corporis Christi spectat private ad primam dignitatem, seu primum de capitulo. Eo autem absente, vel impedito, non potest alium in sui locum ad libitum subrogare, sed hujusmodi celebratio fieri debet private ab alio, qui immediate succedit, non vero ab hebdomadario, *S. R. C. 23 Mart. 1709, in Compsan.* Non potest alium in sui locum ad libitum subrogare: nempe substitutum, licet archipresbyteri. Vide n. 14 et 164.

855. Celebratio Missarum in secundis feriis Paschatis, Resurrectionis et Pentecostes, ac in die festivatis S. Stephani protomartyris, necnon in die Dominico infra Octavam SS. Corporis Christi spectat ad secundum de capitulo, *S. R. C. 25 Mart. 1709, in Compsana.* Vide n. antec. et seq.

856. Sanctissimum Eucharistiæ Sacramentum in processione, quæ fit in festo SS. Corporis Christi, deferri debet ab eo, qui Missam celebrat, et idem servandum in processione, quæ fit in die Dominico infra ejus Octavam, non vero deferendum est a primo de capitulo, qui non celebravit, *S. R. C. 23 Mart. 1709, in Compsan.* Qui non celebravit, an teneatur celebrare. Vide n. 118.

857. In ecclesiis, in quibus celebratur festum S. Bartholomæi apostoli die 25 Augusti cum octava, vel quia est titularis earundem ecclesiarum, vel ex alia ratione, et sic per necesse festum S. Ludovici sub ritu semiduplici venit celebrandum die 26 dicti mensis Augusti secunda die infra Octavam S. Bartholomæi, quæ situm fuit, quando dies 26 sit dies Dominica, quæ non admittit semiduplicia, an in tali casu Officium S. Ludovici sit transferendum ad diem Lunæ immediate sequentem, licet impeditum alio Officio semiduplici, nempe die 5 infra Octavam S. Bartholomæi? Et responsum fuit: Servetur rubrica x, n. 5, de Translatione festorum, *S. R. C. 25 Mart. 1709, in Perusin.* Servetur rubrica x, in qua legitur: *Semiduplex occurrens in Dominica infra Octavam transferatur in sequentem diem cum commemoratione Octavæ, quæ si fuerit alio festo duplici, vel semiduplici impedita, predictum festum semiduplex veniens in Dominica, transferatur post Octavam: ita ut festum semiduplex infra Octavam non transferatur, nisi in proxime sequentem diem.* Vide n. 509.

858. Occurrente commemoratione sancti simplicis in feria secunda Quadragesimæ, quando dictum est nocturnum defunctorum, non debet in Missa quarto loco dici oratio, *Omnipotens sempiterna*

*Deus, qui vivorum, etc.,* pro commemoratione defunctorum, sed sufficit tertia oratio, *A cunctis.* Quod si dicatur quarta *Omnipotens*, quinta erit ad libitum. *S. R. C. 4 Maii 1709, in Pistorien.* Quinta erit ad libitum: non ex præcepto, sed ex congruentia in Missis vivorum. Vide n. 869, secus autem in Missis defunctorum. Vide n. 1105. Oratio vero ad libitum quænam dicenda. Vide n. 1108.

859. Occurrente commemoratione sancti simplicis in feria secunda post Dominicam Passionis, quando dictum est nocturnum defunctorum, in Missa dicenda est secunda oratio de simplici tantum, *S. R. C. 4 Maii 1709, in Pistorien.* In Missa: feriali, et quando Officium erit de feria, secunda oratio dicenda est de simplici; non occurrente vero simplici, Ecclesiæ, vel pro Papa, nunquam *Fidelium.* *Rubr. gen. tit. 5, n. 2.* Vide n. 595.

860. Diebus infra Octavam SS. Trinitatis, ubi est titulus ecclesiæ, et in festis infra dictam Octavam occurrentibus, non debet ad Primam dici Symbolum S. Athanasii, *S. R. C. 8 Jun. 1709, in Bracaren.* Infra Octavam; In die festo, et octavo dicitur ex rubrica Brev. ad Primam, ex resolutione sub n. 992.

861. Diebus sexta et septima infra Octavam SS. Trinitatis, ubi est titularis, faciendum est Officium de die secunda, et tertia infra Octavam Corporis Christi cum commemoratione SS. Trinitatis, *S. R. C. 8 Jun. 1709, in Bracaren.*

862. Episcopi debent uti vestibus violaceis in die Annuntiationis B. M. V. quando occurrit in Quadragesima: excepta tota hebdomada majori, et feria vi, non vero eo die, ad quem prædictum festum transferatur in Quadragesima, *S. R. C. 8 Jun. 1709, in Bracaren.* Episcopi: intellige saculares, vel regulares, qui utuntur rochetto, *Cærem. episc. l. I, c. 5, n. 4.*

863. Cingulum tertium indumentum sacerdotale potest esse coloris paramentorum, *S. R. C. 8 Jun. 1709, in Bracaren.* Coloris paramentorum: sericum vero, an lineum. Vide n. 745.

864. Instrumentum bugiæ, de candela serviens episcopo, non potest esse materia Ordinis acolythorum loco candelabri, seu ceroferarii, *S. R. C. 8 Jun. 1709, in Bracaren.*

865. Quatuor dignitates, seu canonici assistentes episcopo ad absolutionem ad tumulum, debent necessario esse sacerdotes, *S. R. C. 8 Jun. 1709, in Bracaren.* Vide n. 945.

866. Commemoratio in Missa pro consecratione episcopi, quando ratione festi occurrentis dicitur Missa de festo habente plures commemorationes, debet uniri cum oratione Missæ, et dici sub unica conclusione, juxta rubricam Pontificalis Romani de Consecratione electi in episcopum, et Missalis Romani in fine post benedictiones, *S. R. C. 8 Jun. 1709, in Bracaren.* Dicitur Missa de festo: ideo propter ordinationes episcoporum nunquam mutatur Officium diei; dicitur tamen post collectam diei pro Officio consecrationis, *collecta pro electo sub una Per Dominum nostrum, etc., Pont. p. I, de Consecr. electi in episcop. Vide n. 818.*

867. Feria v in Cæna Domini, cum episcopus exit a sacrorum custodia ad altare, non debent canonici, qui eum parati associant, præcedere presbyteros, diaconos, et subdiaconos paratos, qui eum comitantur, sed debent sequi, *S. R. C. 8 Jun. 1709, in Bracaren.* Feria v in Cæna Domini: intellige, dum procedit ad olei sancti consecrationem. *Pont. Rom. part. III de Officiis in feria v Cæna Domini.*

868. In ecclesiis, ubi titulus est ecclesiæ, vel concursus populi ad celebrandum festum, quod transferri debet, diebus, in quibus juxta rubricas Missalis de Translatione festorum, possunt cantari duæ Missæ, una erit de die, alia de festo. Sed in ecclesiis, in quibus non est obligatio cantandi Mis-